



UNIVERSITÄTS-
BIBLIOTHEK
PADERBORN

Universitätsbibliothek Paderborn

Das new Testament recht grüntlich teutsch

Luther, Martin

Straßburg, 1524

VD16 B 4346

Vorred auff die Erst Epistel Sant Peters.

urn:nbn:de:hbz:466:1-34848

Die Epistel Sant Pauli an Philemon.

Darumb wie wol ich hab in Christo ein grosse freydigkeit / dir zu gebieten / was dir gebürt / aber vmb der liebe willen / ermane ich dich vil weger / der ich ein solcher bin / nemlich ein alter Paulus / nün aber auch ein gebunderer Jesu Christi. So ermane ich dich vñ meins söns willē Onesimon / den ich geboren hab inn meinen banden / welcher weyland dir vnnütz / nün aber dir vñ mir wol nütz ist / den hab ich wider gesandt / du aber nym in / dz ist / mein hertz / auff / Den ich wolt in bei mir behaltē / dz er mir an deiner statt dienet / in den banden des Euangelij / aber on deinen willen wolt ich nichts thün / vff das dein gütes nicht were genötiget / sonder selb willig.

Villeicht aber ist er darumb einzeytlang entwichen / das du in ewig wider nemeest / nün nicht mer als ein knecht / sonder mer denn ein knecht / einen lieben brüder / sonderlich mir / wie vil mer aber dir / beyde nach dem fleisch vñ nach dem herzen. So du nün mich heltest für deinen genossen / so nimm in vff als mich selb / So er aber dir etwas schaden than hatt / oder schuldig ist / das rechne mir zu / Ich Paulus hab geschriben mit meiner handt / ich wil bezalē / ich schweige / das du dich selbs mir schuldig bist. Ja lieber brüder / laß das ich mich an dir ergetz in dem herzen / erquick mein hertz in dem herzen.

Ich hab auß züuersicht deines gehorsams geschriben / den ich weyß / du wirst über das thün / das ich sage / Daneben bereyte mir die herberge / den ich hoff / dz ich durch eüwer gebet / eüch geschenckt werde. Es grüßet dich Epaphras mein mitgefängner inn Christo Jesu / Marcus / Aristarchus / Demas / Lucas / meine gehülffen. Die gnad vnseres heren Jesu Christi sey mit eüwerm geyst / Amen.

Worred auff die Erst Epistel Sant Peters.



Die Epistel hat sant Peter zu den bekereten heyden geschriben / vñ ermanet sie im glauben bestendig zu sein vñ zünemen / durch allerley leiden vñ güte werck.

Am ersten Capitel / sterckt er iren vnglauben durch götliche verheißung vñ krafft der zukünftigen seligkeit / vñnd zeygt an / wie die selb nit von vns verdient / sonder züvor durch die propheten verkündiget sey / Darumb sollen sie nün im neüwen wesen heylig leben vñnd des alten vergessen / als die neüw geboren seind durch das lebēdige ewige wort Gottes.

Am anderen / leret er das haupt vñnd den eckstein Christum erkennen / vñnd das sie / als rechtschaffene priester / sich selbs gott opfferen / wie Christus sich geopffert hat / vñnd hebt an allerley stend zu vnderrichten.

Am ersten

Am ersten leret er in der gemeyn hin/ der weltlichen herrschafft vnderthan sein/darnach sonderlich/die knechte iren eygen herren vnderworffen sein/vñ vnrecht vñ in leiden vñ Christus willē/der für vns auch vnrecht erlitten hat.

Am dritten leret er die weyber gehorsam sein/auch den vngleübige menner/vnd sich heyliglich zieren. Item/die menner/dz sie ire weyber dulde/vnd vertragen/vnd darnach in gemein/vnderinander demütig/gedultig vnd freündtlich seyen/wie Christus für vnser sünd gewesen ist.

Am vierden leret er das fleisch zwingen/mit nüchternkeit/wachen/messigkeit/betten/vnd Christus leyden betrachtig. Vnd vnderweiset das geistliche regiment/wie man nur gottes wort vnd werck vnder den Christen üben sol/vnd ein yeglicher dem anderē mit seiner gabe dienstbar sein vnd nicht wundern/sonder frölich sein/ob wir leiden müssen vmb Christus namen willen.

Am fünfften/ermanet er die Bischöff vnd priester/wie sie leben/vñ das volck weyden sollē. Vnd warnet vns vor dem teüfel/das er on vnderlaf vns nach gehe allenthalben.

Die erst Epistel Sant Peters.

Das Erst Capitel.



Petrus ein Apostel
 el Jesu Christi/Den erwel-
 ten frembdlingen hyn vnd
 hat in Ponto/Galatia/Ca-
 padocia/Asia vñ Bithinia/nach der ver-
 sehung gottes des vatters/in der heylig-
 ung des geysts zum gehorsam vnd zur be-
 spriengung des blüts Jesu Christi.

Gnad vnd frid mere sich bey euch.

Gebenedeyet sei Gott vnd der vatter
 vnser herren Jesu Christi/der vns nach
 seiner grossen barmherzigkeit hat wider
 geboren zu einer lebendigen hoffnung/
 durch die vffersteung Jesu Christi von
 den todten/auff ein vnuergerlich vnd

vnbesleckt vnd vnuerwelcklich erbe/das da behalten ist im hymmel vff
 euch/die jr durch die krafft gottes im glauben bewaret werden zur selig-
 keit/welche bereyt ist/dz sie vffdeckt werde zu der letzten zeit/in welcher jr
 euch freuwe werdet/die jr yetz ein kleine zeit(wo es sein sol)traurig seind
 in macherley versüchig/Vff dz die bewertig an euerm glauben werde er
 fundē vil kostlicher/den dz vergengliche gold/dz durch feur bewert wirt/
 zu lob